

續修四庫全書

THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT
BRITAIN
AND IRELAND
VOLUME
LXXV
PART I
1905

《續修四庫全書》編纂委員會編

續修四庫全書

上海古籍出版社

一五八六・集部・總集類

七十二家集三百四十六卷附錄七十二卷（梁武帝御製集卷十至卷十二、梁昭明太子集、

梁簡文帝御製集、梁元帝御製集、江醴陵集、沈隱侯集）

〔明〕張燮輯

……一

梁武帝御製集卷之十

書

梁高祖武皇帝蕭衍著

喻袁昂手書

夫禍福無門興亡有數天之所棄人孰能匡機
來不再圖之宜早頃藉聽道路承欲狼顧一隅
既未悉雅懷聊申往意獨夫狂悖振古未聞窮
凶極虐歲月滋甚天未絕齊聖明啓運兆民有
賴百姓來蘇吾荷任前驅掃除京邑方撥亂反

梁武帝集

卷一

正伐罪吊民至止以來前無橫陣今皇威四臨
長圍已合遐邇畢集人神同奮銳卒萬計鐵馬
千群以此攻戰何往不克况建業孤城人懷離
阻面縛軍門日夕相繼屠潰之期勢不云遠兼
熒惑出端門太白入氏室天文表於上人事符
於下不謀同契寔在茲辰且范岫申胄久薦誠
款各率所由仍爲犄角沈法瑀孫臏朱端已先
肅清吳會而足下欲以區區之郡禦堂堂之師
根本既傾枝葉安附童兒牧豎咸謂其非求之

明鑒寔所未達今竭力昏主未足爲忠家門屠
滅非所謂孝忠孝俱盡將欲何依豈若翻然改
圖自招多福進則遠害全身退則長守祿位去
就之宜幸加詳擇若執迷遂往同惡不悛大軍
一臨誅及三族雖貽後悔寧復云補欲布所懷
故致今白

袁昂答書附

都史至辱誨承藉以衆論謂僕有勤王之舉

兼蒙誚責獨無送款循復嚴旨若臨萬仞三

梁武帝集

卷一

吳內地非用兵之所況以偏隅一郡何能爲
役近奉勅以此境多虞見使安慰自承麾旆
屈止莫不膝袒軍門惟僕一人敢後至者政
以內揆庸素文武無施直是陳國賤男子耳
雖欲獻心不增大師之勇置其愚默寧沮衆
軍之威幸藉將軍含弘之大可得從容以禮
竊以一衿微施尙復投殞況食人之祿而頓
忘一旦非惟物議不可亦恐明公鄙之所以
躊躇未遑薦璧遂以輕微爰降重命震灼於

據北京圖書館藏明末刻
本影印原書版框高
二〇四毫米寬二九二毫米

七十二家集四

〔明〕張燮輯

原書多處漫漶，無法配補。

心忘其所厝誠推理鑒舊懼威臨

袁昂入梁後謝武帝啓附

恩降絕望之辰慶集寒心之日焰灰非喻萑
枯未擬樞衣聚足顛損不勝臣遍歷三墳備
詳六典巡校賞罰之科調檢生死之律莫不
嚴五辟於明君之朝峻三章於聖人之世是
以塗山始會致防風之誅鄴邑方構有崇矣
之伐未有綏憲於斯戮之人賒刑於耐罪之
族出萬死入一生如臣者也推恩及罪在臣
寔大披心瀝血敢乞言之臣東國賤人學行
何取既殊鳴鴈直木故無結綬彈冠徒藉羽
儀易農就仕往年濫職守秩東隅仰屬龔行
風驅電掩當其時也負鼎圖者日至執玉帛
者相望獨在愚臣頃昏大義殉鴻毛之輕忘
同德之重但三吳險薄五湖交通屢起田儼
之變每懼殷通之禍空慕君魚保境遂失師
涓抱器後至者斬臣甘斯戮明刑殉衆誰曰
不然幸約法之弘承解網之宥猶當降等薪

梁武帝集

卷一

三

繁遂乃頓釋鉗楮歛骨吹魂還編黔庶濯疵
蕩穢入楚游陳天波旣洗雲泊邊沐古人有
言非死之難臣之所荷曠古不書臣之所死
未知何地

梁武帝集

卷一

四

與蕭寶寅書

寶寅本齊建安郡王高祖克建業殺其兄弟寶寅潛逃入魏封齊王高祖遣康綽於浮山堰淮以灌揚徐魏除寶寅爲鎮東將軍拒之高祖手書與寶寅寶寅表送其書陳忿毒之意魏朝爲之報答

謝齊建安王寶寅亡兄長沙宣武王昔投漢中值壯寇華陽地絕一隅內無素畜外絕繼援守危疏勒計踰田單卒能全土破敵以弱爲強使至之日君臣動色左右相賀齊明帝每念此功未嘗不輟箸咨嗟及至張永崔慧景事大將覆

梁武帝集

卷一

五

軍於外小將懷貳於內事危累卵勢過綴旒亡兄忠勇奮發旋師大岷重圍累日一鼓魚潰克定慧景功踰桓文亡弟衛尉兄弟戮力盡心內外大勲不報翻罹荼酷百口幽執禍害相尋朕於齊明帝外有龔敵之力內盡帷幄之誠日自三省曾無寸咎遠身邊外亦復不免遂遣劉山陽輕舟西上來見掩襲時危事迫勢不得已所以誓衆樊鄧會踰孟津本欲翦除梅蟲兒如法珍等以雪冤酷拔濟親屬反身素里屬張稷王

珍國已建大事實晤子晉屢動危機迫樂推之心應上天之命事不獲已豈其始願所以自有天下絕棄房室斷除滋味正欲使四海見其本心耳勿謂今日之位是爲可重朕之視此曾不如一芥雖復崆峒之蹤難追汾陽之志何遠而今立此堰卿當未達本意朕於是蟲猶不欲殺亦何急爭無用之地戰蒼生之命也正爲李繼伯在壽陽侵犯邊境歲月滋甚或攻小城小戍或掠一村一里若小相訓答終無寧日邊邑爭

梁武帝集

卷十

六

桑吳楚連禍所以每抑鎮戍不與較計繼伯既得如此濫竊彌多今脩此堰止欲以報繼伯侵盜之役既非大舉所以不復文移止土卿幼有倜儻之心早懷縱橫之氣往日卿於石頭舉事雖不克捷亦丈夫也今止河洛真其時矣雖然爲卿計者莫若行率此衆襲據彭城別當遣軍以相影援得捷之後便遣卿兄子屏侍送卿國廟并卿室家及諸姪從若方欲還止更設奇計思機事一差難重複集勿爲韓信受困野雞

答蕭穎胄書

高祖將起義師東昏以劉山陽為巴陵太守使就蕭穎胄以聲義及至巴陵高祖遣王天獸賁書與穎胄以疑山陽山陽果疑不上穎胄乃斬天獸山陽信之將數十人馳入穎胄伏甲斬之送首高祖仍以南康王尊號之議來告且曰時月未利當須來年遽便進兵恐非廟算高祖答之發襄陽穎胄領兵會于軍今坐甲十萬糧用自竭況所藉義心一時驍銳事事相接猶恐疑急若頓兵十旬必生悔吝童兒立異便大事不成今太白出西方杖義而動天時人謀有何不利處分已定安可中息昔武

梁武帝集

卷七

七

王伐紂行逆太歲復須待年月乎

與何胤書

想恒清豫縱情林壑致足懽也旣內絕心戰外勞物役以道養和履候無爽若邪擅美東區山川相屬前世嘉賞是為樂土僕推遷薄宦自東徂西晤言素對用成睽闕傾首東顧曷日無懷疇昔懽遇曳裾儒肆寔欲卧遊千載收漁百氏一行為吏此事遂垂屬以世道威夷仍離屯故投袂數千尅黜豐禍思得矚卷諮款寓情古昔夫豈不懷事與願謝君清襟素託栖寄不廷中

梁武帝集

卷一

八

居人世始同隱淪旣俯捨青組又脫屣朱轡但理存用捨義貴隨時往識禍萌寔為先覺超然獨善有識欽嗟今者為邦貧賤咸恥好仁由已幸無凝滯比別具白此未盡言今遣候承音息矯首還翰慰其引領

答陶弘景論書書一

近二卷欲少留差不爲異紙卷是出裝書既須見前所以付耳無正可取備於此及欲更須細書如論箴例逸少書無甚極細書樂毅論乃微麗健恐非真蹟太師箴小復方媚筆力過嫩書體乖異二者已經至鑒此外便無可付也

陶弘景與武帝論書啓附

奉旨左右中書復稍有能者惟屬喜贊夫以含心之夢實伺夾鍾吐氣今既自上體妙爲

梁武帝集

卷七

七

下理用成工每惟申鍾王論於天下進藝方典所恨臣沉朽不能鑽仰高深自懷歎慕前奉神筆三紙并今爲五非但字字注目乃畫畫猶心目覺迥媚轉不可說以酬昔歲不復相類正此卽爲楷何復多尋鍾王臣心本自敬重今者彌增愛服俯仰悅豫不能自已適伏蒙 給二卷伏覽標帖皆如聖旨既不顯垂允少留不能久停已就摹者一段未畢不赴今信紙卷先已經有兼多他雜無所復

取亦請俟俱了日奉送兼此諸書是篇章體

臣今不辦復得脩習惟願細書如樂毅論太師箴例依倣以寫經傳永存冥顯中精要而已

梁武帝集

卷十

十

答陶弘景論書書二

又省別疏云故當宜微以著賞此既勝事雖風訓非嫌非嫌然非所習聊試略言夫運筆邪則無芒角執手寬則書緩弱點掣短則法臃腫點掣長則法離漸畫促則字橫畫疎則字形慢拘則乏勢放又少則純骨無媚純肉無力少墨浮澁多墨笨鈍比並皆然任意所之自然之理也若抑揚得所趣舍無違隨筆廉斷觸勢峰鬱揚波折節中規中矩分間下注濃纖有方肥瘦相和骨力相稱婉婉曖曖視之不足稜稜稟稟常有生氣適眼合心便爲甲科衆家可識亦當復貫串耳六義可工亦當復由習耳一聞能持一見能記且古且今不無其人大抵爲論終歸是習程邈所以能變書體爲之舊也張芝所以能善書工學之積也既舊且積方可以肆其談吾少來乃至不能嘗畫甲子無論於篇紙老而言之亦復何謂正足見嗤於當今貽笑於後代遂有獨冠之言覽之背熱隱真於是乎累真矣此

直一藝之精非吾所謂勝事此道心之塵非吾所謂無欲也

陶弘景與武帝啓附

樂毅論愚心近甚疑是摹而不敢輕言今直以爲非真竊自信頗涉有悟歲咏吟贊過爲淪弱許靖素段遂蒙永給仰銘矜獎益無以喻如此書雖不在法例而致用理均背間細楷兼復兩玩先於都遇得飛白一卷云是逸少好跡臣不嘗別見無以能辨惟覺勢力驚

梁武帝集

卷一

十一

絕謹以上呈於臣非用脫可克閣願仍以奉上臣昔於馬澄處見逸少正書目錄一卷澄云右軍勸進洛神賦諸書十餘首皆作今體惟急就章一篇古法緊細近脫憶此語當是零落已不復存澄又云帖注出裝者皆擬賚諸王及朝士臣近見三卷首帖亦謂久已分本不敢議此正復希於三卷中一二條更得預出裝之例耳天旨遂復頓給先卷下情益用悚息近初見卷題云第二十三四已欣其

多今者賜書卷第遂至二百七十惋訝無已
天府如海非一鉅所汲良用息心前後都已
蒙見大小五卷於野拙之分寔以告幸若非
殊恩豈可缺望愚固本博涉而不能精昔患
無書可看乃願作主書令史晚愛隸法又羨
典掌之人嘗言人生數紀之內識解不能周
流天壤區區惟充恣五欲寔可媿耻每以爲
得作才鬼亦當勝於頑仙至今猶然使欲翻
之自無射以後國政方殷山心歉默不敢復
梁武帝集 卷一 十三

以虛閒塵觸謹於此題事遂成煩黷伏願聖
慈照錄誠慙

答陶弘景論書書三

省區別諸書良有精賞異同所未可知悉可否
耳給事黃門二紙爲任靖書觀所送靖書諸字
相附近彼二紙靖書體解雜便當非靖書復當
以點畫波擊論極諸家之致此亦非可舍卒運
於毫楮且保拙守中也許任二跡并舉者並付
反

陶弘景與武帝啓附

第一卷中有雜跡謹疏注如別恐未允愚衷
梁武帝集 卷一 十四

并竊所摹者亦以上呈近十餘日精慮悚悸
無寧涉事遂至淹替不宜復待填畢餘條並
非用唯叔夜威犖二篇是經書體式追以單
郭爲恨伏按卷上第數甚爲不少前旨惟有
四卷此似是宋元嘉中撰集當由自後多致
散失逸少有名之迹不過數首黃庭勸進像
贊洛神此等不審猶得存者

答陶弘景論書書四

鍾書乃有一卷傳以爲真意謂悉是摹學多不足論有兩三行許似摹微得鍾體逸少學鍾的可知近有二十許首此外字細畫短多是鍾法今欲令人帖裝未便得付來月有竟者當遣送也

陶弘景與武帝啓附

伏覽書前意雖止二六而規矩必周後書不田二百亦褒貶大備一言以蔽便書情頗極

梁武帝集

卷一

十五

使元常老骨更蒙榮造子敬懦肌不沉泉夜唯逸少得進退其間則玉科顯然可觀若非聖證品析恐愛附近習之風永遂淪迷矣伯英既稱草聖元常亦自隸絕論旨所謂始同璿璣神寶曠世莫繼斯理既明諸畫虎之徒當日就輟筆反古歸真方弘盛世愚管見預聞喜佩無屈比世皆尚子敬子敬元常繼以齊代名寔脫略海內非惟不復知有元常於逸少亦然非排棄所可黜涅而不淄不過數

梁武帝集

卷三

書

族今奉此論自舞自蹈未足逞泄願以所摹竊示洪遠思曠此二人皆是均思者必當贊仰踴躍有盈半之益臣與洪遠雖不相識從子翊以學往來因之有會但既在閣恐或已應聞知摹者所裝字大小不堪均調熟看乃尚可恐筆意大殊此篇方傳千載故宜令跡隨名偕老益增美所奉三紙伏循字跡大覺勁密竊恐既以言發意意則應言而心隨意運手與筆會故益得諧稱下情歡仰實奉愈

又陶弘景啓附

逸少自吳興以前諸書猶未稱凡厥好迹皆

是向會稽時永和十許年中者從失郡告靈
不仕以後略不復自書皆使此一人世中不
能別見其緩異呼爲末年書逸少亡後子敬
年十七八全放此人書故遂成與之相似今
聖旨標顯足使衆識頓悟於逸少無末年之
譏阮研近聞有一人學研書遂不復可別臣
比郭摹所得雖籠寫字形而無復其用筆跡
勢不審前後諸卷一兩條謹密者可得在出

梁武帝集

卷五

書

裝之側復蒙垂給至年末間否此澤自天直
以啓審非敢必覲

答陶隱居書

知欲徙卜想諮請幽勝謀及蒼龜但遷徙之目
爲當使人爲當使鬼猶躡躑因地其不滅也

梁武帝集

卷一

一八

與始興王憺書

蕭子雲書筆力勁駿心手相應巧踰杜度美過
崔寔當與元常並驅乎先

報侯景書三首

大夫出境尚有所專況始創奇謀將建大業理須適事而行隨方以應卿誠心有本何假詞費又

朕與公大義已定豈有成而相溺敗而相棄乎今高氏有使求和朕亦更思偃武進退之宜國有常制公但清靜自居無勞慮也

又

朕爲萬乘之主豈可失信於一物想公深得此

梁武帝集

卷上

十九

心不勞復有啓也

腳氣帖

數朝腳氣轉動不得多有憂懸情也二謝處委曲復當有情故舊數有書問不可復有興也知何時再言話報之

梁武帝集

卷一

二十

曹鄴州帖

衆軍行人最今封如別曹鄴州近遣樊士真領三百人猶在漁湖其應用行合應有四千人故指白

梁武帝御製集卷之十一

梁高祖武皇帝蕭衍著

序

爲亮法師製涅槃經疏序

曰非言無以寄言言卽無言之累累言則可以
息言言息則諸見競起所以如來乘本願以託
生現慈力以應化離文字以設教忘心相以通
道欲使珉玉異價涇渭分流制六師而正四倒
反八邪而歸一味折世智之角杜異人之口導

梁武帝集

卷十一

求珠之心開觀象之目救燒灼於火宅振沈溺
於浪海故法雨降而焦種更榮慧日升而長夜
蒙曉發迦葉之悱憤吐真寔之誠言雖復二施
等於前五大陳於後三十四問參差異辯方便
勸引各隨意答舉要論經不出兩塗佛性開其
本有之源涅槃明其歸極之宗非因非果不起
不作義高萬善事絕百非空空不能測其真際
玄玄不能窮其妙門自非德均平等心答無生
金牆玉室豈易入哉

記

立神明成佛義記 沈續序并註

夫神道冥默宣尼固已絕言心數理妙柱史
又所未說非聖智不周近情難用語遠故也
是以先代玄儒談遺宿業後世通辯亦淪滯
來身非夫天下之極慮何得而詳焉故惑者
聞識神不斷而全謂之常聞心念不常而全
謂之斷云斷則迷其性常云常則惑其用斷
因用疑本謂在本可滅因本疑用謂在用弗

梁武帝集

卷十一

三

移莫能精求互起偏執乃使天然覺性自沒
浮談聖王稟以玄符御茲大寶覺先天垂則
觀民設化將恐支離詭辯構義橫流徵敘繁
絲伊誰能振釋教遺文其將喪矣是以著斯
雅論以弘至典續早念身空栖心內教每餐
法音用忘寢疾而闇情難曉觸理多疑至於
佛性大義頓迷心路旣天誥遠流預同撫覲
萬夜獲聞千昏永曙分除之疑朗然俱徹竊
惟事與理亨無物不識用隨道合奚心不釋